



3453

III.

Mag. St. Dr.

P

kol komp.

Zelt.

nd. 7

1680 die 13 Aprilis.

Poenja 2926

Freanckius Stanis. Ant. Neaus floridus
Musarum coronae Vv. dd. XII prima laureae
Candidatis - dedicatus.

N E X V S

Floridæ Musarum

C O R O N Æ,

VV. DD. XII. Primæ Laureæ Candidatis,

D V M

IN ALMA VNIVERSITATE CRACOVIENSI,

P E R

Clarissimum, & Admodum Reuerendum Dominum,

D. M. PAVLVM

WOŁEWODZKI,

Collegam Maiorem, Regium, &

Cursus Vladislauiani Professore,

Canonicum S. ANNÆ,

In frequentissima Nobilissimorum Hospitum, & Academici

Senatus Corona,

Artium, & Philosophiæ Baccalaurei,

RITV SOLENNI,

R E N V N T I A R E N T V R;

amoris, & gratulationis ergò,


STANISLAO ANTONIO FREZNEKIER,

eiusdem Laureæ Candidato,

Panegyrico Applausu

D E D I C A T V S.

Anno Salutis 1680. Die 13. Mensis Aprilis.



CRACOVIAE, TYPIS VNIVERSITATIS.

In Gentilitium Insigne
Illustrissimi, & Reuerendissimi Præfulis.



Hortorum sublime decus, quo Lilia cudent
Præfulis est Magni, nobile mentis ebur.
Omne decus virtutis habet, qui Lilia cordis
Pura, coronato Stemmata Præful habet.
Purus ei candor, nix est purissima vitæ;
Non alio vernat, gratia tota sinu.
Scilicet in niueo voluit pulcherrima flore,
Delitias virtus hîc posuisse suas.

PAVLVS FREZNEKIER, Auditor Rhet.

UNIV. GRACOVENSIS
3453 III



Illustrissimo & Reuerendissimo Dño,
**D. NICOLAO
O BORSKI,**

DEI, & Apostolicæ Sedis Gratiâ,

EPISCOPO LAODICENSI,
Suffraganeo, Scholastico, & Sede Vacante
Episcopatus Cracouiensis, & Ducatus Seueriæ
ADMINISTRATORI,
Domino, & Patrono Amplissimo.



*Ad Liliorum Tuorum delitias, profundo cultu veniunt, florida hæc Musarum decora; è Regalibus nuper viretis decerpta virtutum, & Sapientiæ Matris illius, quam Tu in delitijs habes. ILLUSTRIS-
SIME, & REVERENDISSIME DOMINE. Pertinebat nimirum ad innocentem animi Tui sinum, nexu iste coronarum Palladis; qui non aliter, in pulcherrimum decoris eruditi abisset vinculum; nisi Tu eum candidissimo Lilio Tuo, Antistitum aui nostri flos, & gemma consignasses. Cedit nunc in venerationem nominis Tui, & amplitudinem honoris; quicquid Sede vacante, Principem Te Sacrorum, & tantæ Diœcesis Atlantem, cultu maximo prosequitur, quidni inclinent se Tibi, literæ quoq; nostræ, & corona; quarum ius ad Te deuolutum, amœnissima tempe, & vernantes literato honori Gratias, inter Lilia Tua fecit. Excepisti aliquando lachrymas Diœcesis huius, post Magni Prasulis PETRI GEMBICII obitum, Fascia Liliorum Tuorum; super quam lachryma illa cecidère ut gemma; sed post Olorem quoq; TRZEBICIANVM, inter caelestia phenomena relatum, res iterum ad Lilia Tua redijt. Nec enim post niuei candoris Alitem, vices Prasuleas agere, aut gregi fidelium præesse potuit; nisi candidus, & mansuetus, qui pascitur inter lilia Agnus. Ingens hoc quidem pondus, & Angelicis etiam humeris formidandum est; quod Tibi in tantæ Administrationis munere incubuit: sed manus Tuas omnibus dilectas, & brachia Tua in omnium amantissimos complexus ruentia, sustentant tot millia pro Te suspirantium, & calesce Tibi a Deo petentium robur, quot Tu beneficia in omnes & paterni cordis viscera, ceu manibus effudisti Lilia plenis. Ut iure omnino dixerim, quot clementiâ, & bonitate Tua, deuotos pro Te fecisti; tot Samsones coram DEO, qui manus Tuas sustentant, tot Centimanos Te habere. An verò Pontificales curæ, quibus Ecclesia DEI regitur, pectus aliud maioribus*

experimentis probatum inuenissent? quam Tuum hoc, ære triplici fufum, & adamante quouis solidius; in quo post maxima negotia ad vnguem exacta, superest semper vis quadam admiranda, iterum ad maiores curas expedita, & eminentior vniuersis. Stupuit olim & ætas illa, in Magno Patruo Tuo THOMA OBORSICIO, Episcopo Laodicensi, & Suffraganeo Cracouiensi, vim illam immensi cuiusdam spiritus; qua ille, vt sanctitatis, & innocentia, ita laborum quoq; in Ecclesia Dei, & operosissima functionis miraculum fuerat. Sed hi Tui, amplius quam vicienni anni, quibus munia Prasulea, & secunda Administrationis grande negotium geris; magnitudine, & numero meritorum Tuorum, atq; infracta in ijs virtute Tua, ipsum etiam stuporem excefferunt. Cessent humana encomia, cessent lingua. perorant pro Te, tot animæ DEO consecrata, tot Basilica, tot Ara, tot Actus publici, Tyara Tua decorati. Perorant tot sacri Cætus, tot Orphanorum, & egentium turba, a munifica manu Tua pendentes. Perorat sacrum & illibatum Tribunal Tuum, tot Oraculis, & sanctissimis iustitiæ decretis. quin & ipsa D. Patriarchæ nostri IOANNIS CANTII, processu super vita, & miraculis eius, maximis laboribus Tuis formato; Sacra apothecæ, quam ardentissimis votis expectamus, æternum pro Te perorabit corona. Iusto proinde venerationis profunda titulo, inclinât se Tibi, floridus hic coronarum nexus; cum quo in odorem Liliorum Tuorum festinat, Augusta Regum Filia Pallas Iagellonica; quæ Studiorum Tuorum aliquando Mater, nunc Te Parentem suum, illo cordis affectu sentit; quo eam tenerrimè diligens, in ipso Gratiarum sinu, nimirum inter Lilia Tua ponis. Sed nec primitiæ Laureati honoris mei, iustius à me cuiquam debentur; quam Tibi magne Prasul: à cuius Pontificijs manibus, è sacro Baptismi fonte, primitiæ fidei, & gratiæ exorsus, omnem deinceps gratiam, debere me Tibi profiteor; urgente amplissimo in Domum meam fauore Tuo; vt etiam minimi isti, ad Pontificia Lilia Tua repentes flosculi, in panegyres Tuas assurgant; nemine in Laudibus Tuis tam elingui, in quo Tu ipse maxima Tibi panegyris, non triumphes. Flores igitur ætatis meæ, sacris vestigijs Tuis substerno; aduoluorq; supplex immensa Maiestati Diuinæ, vota nuncupans; vt annorum, & meritorum Tuorum seriem, bono publico, ceu aceruum vallatum Lilijs adaugens; orbatam zelantissimo olim Pastore suo Diocesim hanc, quam fidei Tux commisit; iubeat esse non iam amplius pupillam, sed sponsam Lilijs Tuis coronatam.

Illustrissimæ & Reuerendissimæ Dominationis Vestræ,

Cliens Deditissimus,

STANISLAUS ANTONIVS FREZNEKIER,
Primæ Laureæ Candidatus.

B. J O A N N I
C A N T I O,
Regni Poloniae, & Academiae Cracou:
P A T R O N O,

Ara sacri honoris, primitijs florum coronata ;

C V M E P I G R A P H E :

F L O S M A X I M V S I N T E.



Ratiæ veris, super erudito

Orbe dum surgunt ; Zephyriq; lenes

Flabra dum Phæbi, per amæna tempe,

Dulcia spirant ;

Dextra Musarum teneros eburna

Colligit flores ; & amica terræ

Dona vernantis, iubet auspicato

Surgere nexu.

Imus ad Cyrrhæ noua litteratæ

Serta, Regales vbi diua cultus

Pallas, vt regnet, Iageloniano

Induit ostro.

Sed coronato quis honos labori ?

Quis sacer nexus sine Te beati

Portio seclî, Craciæq; Princeps

Gloria stox ?

Diue, cûi totum decus in coronis

Frontium seruit ; quoties togati

Verticis summum decorat, tenellis

Musa corymbis.

Sæculi quod iam triplicis virorum,

Seruet intactum Cracidos Minerua ;

Hoc decus totum, tua Sanctitatis

Gratia seruat.

Hic vbi Regum trabeata quondam
Dextra, plantauit sapiens viretum;
Primus est horti Sapientis & flos
Maximus in Te.

Ad Tuos ergo veneranda cultus
Ara confurgat; roseisq; Phæbus
Hanc super nimbis, iaculetur omnem
Cælitus Hyblam.

Hoc polo dignum Tibi sit tributum,
Magne Doctorum Pater, & fauentem
Diue Te nobis faciat, rogati
Veris in ortu.

Dona facramus Tibi laureata,
Tu polo nobis benedicta redde;
A Tuis pendet manibus, stagyræ
Tota venustas.

Clarissimis, & Excellentiss: Dominis
DD. EXAMINATORIBVS,

Clarissimo, & Admodum Reuerendo Domino,

D. M. CHRISTOPHORO
S O W I N S K I

Collegæ Maiori, Regio, & Cursus Vla-
dislauiani Professori, Custodi Pilecensi,
Canonico S. A N N Æ, ac interea Philosophicæ facultatis
D E C A N O;

Clarissimo & Admodum Reuerendo Domino,

D. M. P A V L O
W O I E W O D Z K I,

Collegæ Maiori, Regio, & Cursus Vla-
dislauiani Professori,
Canonico S. A N N Æ;

Cla-

Clarissimo & Excellentissimo Domino,
D. M. SEBASTIANO
TARALICZ,
Collegæ Minori, Ordinario Eloquentiæ
Professori;
Radium solis corona, Musarum viri-
darijs amica.

C V M L E M M A T E.

Decus hoc à lumine vestro.



*Ireta quid sunt? totaq; Gratijs
Amica tellus suaueolentibus;
Tibur quid Orbi delicatum,
Hesperia genuitq; flore,
Partu rosarum purpureo sinus?
Si lampas Orbis non fauet aurea;
Ocelle Phæbi si negasti,
Siderea radios corona.
Quæ cura felix Alcinoe est Tibi?
Si mille florum germina, roscidis
Latent in hortis, si decoros
Non dederit Tua Phæbe vultus,
Corusca cælo gratia concidit
Omnis venustas Te sine, nec rosas
Murex coronat, lactea nec
Candet ebur niue liliorum.
Florum est Apelles sol, quoties iubar
Vitale plantis explicat; & soli
Pingit virescentis theatro,
Innumeras species colorum.
Hanc nos coronam luminis, & decus
Debere vobis omne, virentibus
Fatemur hortis. nam stagyra
Dulce iubar sapientis, & cor*

Primum SOWINSKI; dum cathedris sophum
Te principatûs purpurea toga
Praesse fecit nonne Phæbi
Ætheream radiantis in Te

Lucem refudit? Te nitor aureus,
Mentisq; doctæ limpida claritas,
Stoa per exedras coronat;
Ingenij Peripatus in Te

Dotes beatas, & solidas stupet,
Probumq; pectus, plenaq; gratijs
Tot dona morum suauitatis,
Ausonijs bene culta terris.

Nec fulguranti sidere Tu minor,
Titan sophorum per cathedras nites
Praclare WOIEWODZKI; ad omnem
Quem sapiens animus poliuit,

Virtusq; normam stoa Tibi pares,
Et suada dulcis nectit adoreas;
Sub cuius erudito cultu,
Sreniania micuere gemma.

Sed Tulliani copia nectaris,
Suadam, TARALICZ, mellifluam Tibi;
Deditq; per vireta Pindi,
Lenè fluens Tibi sappho carmen;

Et cor serenum rebus in arduis,
Quod claret in Te. sic radiantia
Splendore Phæbao, ad coronas
Lumina nos docuere Vestra.

O ergo tanta lux Sapientia,
Nomenq; Vestrum clareat altius;
Donec coronatis in auge,
Vester honos meritis triumphet.

N E X V S

Floridæ Musarum

C O R O N Æ.

II. V. D. STANISLAO RAPHAELI

L E Y C H T N E R.

Coronatus ex Pæstani rosetis, Suada, & Themidis nexus.

C V M L E M M A T E

Sapiens vtrinq; Corona.

C Raciadum quæ Te genuit pulcherrima sedes,
Ingenij dotes, & gratæ florida suadæ
Ornamenta Tibi concessit in ore diserto.
Purpura quam præfers animo, verbis quoq; dulces
Ingenerasse rosas culto sermone videtur;
Cui Tu iustitiæ Themidem coniungere sacram,
Dum satagis, cupiens oracula pandere veri,
Consilij Delphosq; loqui, consurget amico
Inde Tibi nexu, Sapiens vtrinq; corona.
Hoc ego Te, L E Y H T N E R, roseo virtutis honore
Ornatum, Themidiq; simul, suadæq; placentem,
Pæstani nunc cingo rosis; vt pulchrior inde,
Indolis egregiæ species, & gratia fandi
Te decoret; Consequæ sacros deducat ad vsus,
Dona animi selecta Tui, subsellia donec
Pulcher honos, maiora Tibi cum laude coronet.

III. V. D. S T E P H A N O

B A R W I N K I E W I C.

Mellisophilon inter coronarū decora flos apud antiquos lectissimus.

C V M E P I G R A P H E.

FLORET AB INGENIO.

C Vm Te Stoa sibi poscat, & arduum
B A R W I N K O W I C opus, quod Cathedras sophum
Urget difficiles; flos capiti Tuo

Iustis cedit honoribus.

Flos cui veteris maxima gloria;
Qui summo capitis vertice, roscidas
Latè sudit opes, hic ubi mentium

Sedes aurea cernitur.

Flos hic ingenij signat adorem;
Quâ Te condecorat flos animi Tui;
Vernans ingenium cum tibi sedulo,

Affurgat Studio sophum.

C

præ.

*Præclaris igitur dotibus hoc age;
Vt te Craciaca Regia Palladis,
Olim Stoa virum, pro meritis tuis
Summos prouehat ad gradus.*

IV. V. D. BARTHOLOMÆO MALICKI.

*Flos viola Tusculana, inter florum, & coronarum delicias
suauissimi odoris,*

CVM LEMMATE.
MENTIS HÆC GRATIA CVLTÆ.

G Ratius ingenio nihil est, quod floret amoenis
Dotibus, & fontem nectaris intus habet.
Fragrat odoratis bona mens dulcoribus, & se
Dum sapit, ingenio suaueolente probat.
Vndique sic violas sequitur fragrantia dulces;
Nec sua concludit balsama gratus odor.
Hæc est illa Tuæ, MALICKI, gratia mentis,
Ingenij præstans hoc tymiama Tui.
Hesperias placido violas imitatis odore,
Seu Tibi Stoa grauis, seu Tibi suada placet.
Eloquium vernans, & dulci nectare fusum,
Influit in mentes, cordaque docta rapit.
Nec perplexa sophum fugiunt Te dogmata, quæ Tu
Ingenij summa non sine laude capis.
Gratia sic omnis, Te cultis moribus ornat;
Surgit ab ingenio scilicet omne decus.

V. V. D. ANDREÆ FRANCISCO ZIELOPOLSKI.

Flos purpurei lilij, circa Pangæum montem, uberrimè proueniētis.

CVM LEMMATE.
Non aliter facunda vernat.

TE purpuratis nexibus ambiunt
Pangæa quando lilia; floridam
Præstantis ad suadæ coronam;
Surgit honos tibi destinatus.

*Ab elegantis dotibus ingenti;
Zamosciani quod laribus tibi,
Dulces, ZIELOPOLSKI Camæne
Purpureo decorasse cultu*

*Iussere. quando flore tibi viret
Vel nomen ipsum, totaq; Gratij
Mens eruditis vernat in te;
Seu Cathedris placeat Sophorum,*

*Sine eloquenti vixere gloria;
Te purpuratis vndiq; floribus
Pallas coronabit, decusq;
Te paribus meritis sequetur.*

VI. V. D. IOANNI ANDREÆ
K O G N A C K I.

Floris Narcissi, in montanis Lyciæ, mira venustate gaudentis.

C V M E P I G R A P H E.
DELECTAT, ET ORNAT.

Non est delitium gratius, ut bonæ
Mentis iustus honos; quando laboribus
Partam ritè togatis,
Virtus fumit adoream.

Si Narcissus habet florida gratiæ
Ornamenta suæ; pulchrius omnibus
Narcissis, tua docti
Floret gratia pectoris.

K O G N A C K I. Latij scilicet aureus
Te flos eloquij poscit, & Atticis
Ornat suada viretis,
Delectantque animos Tui
Dotes ingenij; quod studio Sophum
Clarebit, solidam dum bene iunxeris,
Celso munere dignæ,
Virtutem Sapientiæ.

VII. V. D. FRANCISCO
S L O W I K O W S K I.

*Floris Hyacinthini Apollineum decus, in Musarum corona-
mentis spectatissimum.*

C V M L E M M A T E.
Sis Phœbo, Musisq; Sacer.

Pulchra virtutis species, honoris
Postulat iusta decus eruditi;
Iuncta doctrina quoties togato
Culmine gaudet.
Gratus ut flos est Hyacinthus Orbi;
Quem suis Phœbus tenuit medullis;
Grata sic virtus Sapiens, & altis
Digna corymbis.
Hæc tibi Musas, & amica Phœbi
Corda tot donis poterit mereri;
Quot tibi laudes dedit eloquentis
Gloria suadæ.
Lauream quicquid decet auspicatam,
Hoc tibi totum feret alma virtus;
Dum SŁOWIKOWSKI tibi pulchra fiet
Ipse corona.

VIII. V. D. ANDREÆ SLIZEWIC.

Flos rose Prænestina, purpureo colore omnium gratissimus.

C V M E P I G R A P H E.
DECORO FLORE RVBESCIT.

SI Te gr̃atia flore purpurato
 Pulchr̃e condecorat, disert̃a fandi
 H̃ac est laus, animi probiq; signum.
 SLIZEWIC, rubor iste Gratiarum
 Flos est maximus, ad tuæ coronæ
 Quem Præneste tulit decus togatum.
 In Te cernitur ipdoles am̃ena,
 Docti pectoris elegante cultu
 Præcellens; roseo velut colore,
 Pingit Flora suos am̃enitatis,
 Inter Lilia delicata flores.
 I felix animo, scientiarum
 Ad quodcunq; genus, tibi secundus
 Respondebit honos; & alta suadæ
 Dum te rostra ferent, amica plausus
 Pro te gloriâ fundet auspicatos.

IX. V.D. DOMINICO WŁODAWSKI.

Flos Cyclamini, inter vepreta quidē efflorescens, sed odore suauissimo

C V M L E M M A T E.

Securus per ardua honos.

Quid laureæ Palladis
 Immortale parat, surgere maximâ.
 Curarum seriē decet
 Artis Cyclaminon vepribus ut solet,
 Vernans cingere gratia,
 Donis ut vigeat suaueolentibus.
 WŁODAWSKI, tibi floridum
 Quamvis ingenium Pallade Lechicâ
 Dignam nec̃tat adoream;
 Si secura tamen vis tibi gloria
 Ornamenta dari tua;
 Spinâs difficiles inter am̃enius
 Flores collige roscidos.
 Tunc virtute tua, tunc animi tui
 Viues dotibus aureis,
 Cum securus honos viuet in arduo.

X. V.D. PAVLO FRANCISCO LOCHOWSKI.

Flos aurei coloris Chrisocome, Solis limpida faciem præferens.

C V M E P I G R A P H E.

DOCTA VIRTUTE CORVSCAS.

FVlgore solis, limpida claritas,
 Florem venustum, cum similem sibi
 Clarere fecit; te LOCHOWSKI
 Auricomo petit ille vultu,
 Mens eruditis quippè nitoribus
 Clarescit in te, lampadis aureæ
 Fulgurq; gratum; quod sacraffi
 Ingenio meliore Musis.

Accendit in te nobile pectoris
Natura lumen; sed magis a tua
Virtute docta, laurearum
Dulce tibi iubar explicasti.

Sis ergo solis flos, animi tui
Vultu sereno, sis decus aureum;
Honoris ad plenam rogati,
Lux sapiens tibi surgat augem.

XI. V. D. ANDREÆ FRANCISCO
WILLAMOWIC.

Floris Abrotoni perpetuus viror, & suaueolentiâ indeficiens.

CVM LEMMATE
SIC VERNAT, QVI SAPIT.

Victura mentis erudita gloria,
Etate crescit, nec temporum soluitur.
Vasto recessu. Si trecentis Nestora.
Annis fatigat grande pondus seculi;
Decus perenne non fatigat mentium.
Sæcli vetustas, sed virore florido
Coronat inter posterorum gratias.
Te, WILLAMOWICZ, literatus hic viror
Ornat venuste; quo fauentis ingeni
Dotes virescunt, laureaq; frontium.
Dilecta Musis vernat indoles tua,
Et os disertum suauibus facundia
Manat fluentis; qua modesti pectoris
Commendat intus, pax amica literis.
Perenne nomen ergo si tu cogitas,
Serua vinqrem laudis, & scientia.

XII. V. D. ANDREÆ WARZYNSKI.

Flos Opobalsami Syria, pretiosi vnguenti copiâ abundans.

CVM EPIGRAPHE.

Sapientia animorum medela.

Svdat nectareis balsama fontibus
Arbor, quæ pretio diuitis Indix
Gazas exsuperat; dum medicas opes,
Atq; vnguenta salubria,
Selectis hominum germinat vsibus.
Flos vitalis ei est; quem sapientia
Vnguentis animi dulcibus exprimit,
Sanans vulnera cordium.
WARZYNSKI, placidas mens tibi Gratias,
Et motus animi compositos dedit
Viuax ingenium, iunctaq; moribus
Cultis dona scientiæ
Hinc flos eximius te sibi vendicat,
Vitæ cor recreans flos Opobalsami.
Hoc vitale decus, det tibi floridam
Et vitam, & sapientiam.

XIII. V. D. THOMAE PIKIN.

*Candidus flos Melilotos Attica, & venustate, & salubribus
remedijs commendatus.*

CVM LEMMATE.

Te candida munera poscunt.

Castalios flores, & docti symbola veris,
Concludit grato nomine Musa tuo
O PIKIN, niueumq; tibi fert Attica danum;
Cum suada norit lactea dona tua.
Serus Apollineas venisti sumere laurus;
Sed tibi non serum nascitur inde decus.
Nam tua mens doctis iam tempestiva cathedris,
Maturus fructus sedulitate tulit;
Peruigili studio sapientem quando stagyram
Lustrasti, penetras dogmata clara Sophum;
Eloquio cultumq; tuo, cum tota dedisset
Gratia; qua vernans as tibi dulce sapit.
Candidus ergo tibi flos, tempora lata coronet;
Vt niueo fias munere gratus alar;
Cumq; in te nostri iam catus desinit ordo,
Tu florum nobis, pulchra carenis eris.

I. V. D. STANISLAO ANTONIO
FREZNEKIER,

Primæ Laureæ Candidato,

AVTHORI OPERIS

Auream, Phœbi Cytharam, gemmis, & Lilijs
Coronatam.

CVM EPIGRAPHE.

Gemmas & flores refundimus in te.

In Signum gratulatorij applausus, & mutui affectus,

STANISLAUS RAPHAEL
LEYHTNER,

eiusdem Laureæ Candidatus,

Offert, D. C. q;

Quem

Quem Consulari sanguine, Cracia
 Vrbs fudit Orbi, cingere gemmeis
 Vatem coronis, lilijſq;
 Gratus honos iubet, eruditæ
 Carmenq; Musæ. reddimus in tuos
 Sinus, quod in nos grandine floridâ
 Dilecte F R E Z N E K I E R, procellis
 Funderat ingeniosa vernis
 Tui laboris dextera. Tu decus
 Vernantis Hyblæ, laurigeras super
 Frontes tulisti, Gratiarum
 Delitias iaculatus omnes.
 Phæbea sed nos munera promimus,
 Chelym Poetæ scilicet auream,
 Eburq; sacrum, quod coronat
 Gemmeus imber, & innocentum
 Nix liliorum. nam Tibi gemmeas
 Natura dotes, suadaq; Gratias
 Concessit omnes; quas decoro
 Indolis egregiæ venustas
 In flore signat. Te niueis honos
 Vectus quadrigis celsius efferet;
 Nomen coronatum P A T E R N I S
 Laudibus, vt teneas ad æui
 Decus sequentis. Sic Tibi candidi
 Soles, & ætas gemmea seruiat;
 Nostris quod ex votis merentur,
 Dona Tui pretiosa Phæbi.





Sub Felicissimis Auspicijs,

Magnifici, Perillustriſ & Adm: Reuerendi Domini,

D. M. ALBERTI

PAPENKOWICZ VSTIEN:

Sacræ Theologiæ Doctoris, & Pro-
fessoris, eiusdemq; Facultatis Decani,

Protonotarij Apoftolici, Ecclesiæ Col-
legiatæ S. FLORIANI ad Cracouiam

Præpositi, Contubernij Staryngeliani

Prouisoris, Studij Almæ Vniuerſita-
tis Cracouiensis, Vigilantiſſimi

& Generalis

R E C T O R I S.

J. xxiii. 17.

Biblioteka Jagiellońska



stdr0007642

